



ঢাকা-১১ আসনের বিএনপি প্রার্থিতার বৈধতা চ্যালেঞ্জ করে রিট নাহিদ ইসলামের



ছবি: সংগৃহীত

ঢাকা-১১ আসনে বিএনপি প্রার্থী এম এ কাইয়ুমের প্রার্থিতা নিয়ে নতুন বিতর্ক দেখা দিয়েছে। একই এলাকার জামায়াত সমর্থিত ১১ দলীয় জোটের এনসিপি প্রার্থী নাহিদ ইসলাম হাইকোর্টে রিট দাখিল করেছেন, দাবি করে কাইয়ুমের দ্বৈত নাগরিকত্ব এবং গুরুত্বপূর্ণ তথ্য গোপনের কারণে তার প্রার্থিতা স্থগিত হওয়া উচিত।

সোমবার (২ ফেব্রুয়ারি) নাহিদ নিজে হাইকোর্টে হাজির হয়ে রিট দাখিল করেন। রিটে ঢাকা-১১ আসনে কাইয়ুমের প্রার্থিতা স্থগিত করার আবেদন করা হয়েছে। নাহিদের আইনজীবী জহিরুল ইসলাম মুসা জানান, কাইয়ুম প্রশান্ত মহাসাগরীয় ওশেনিয়া মহাদেশের দ্বীপরাষ্ট্র ভানুয়াতুর নাগরিকত্ব ধারণ করেন, যা বিভিন্ন গণমাধ্যমে প্রকাশিত হয়েছে, তবে হলফনামায় তা উল্লেখ করা হয়নি।

রিটে দ্বৈত নাগরিকত্বের পাশাপাশি তথ্য গোপনের অভিযোগও আনা হয়েছে। নাহিদের আইনজীবী আশা করছেন, আগামী মঙ্গলবার মামলার শুনানি অনুষ্ঠিত হতে পারে।

LENS ASIA